

四庫全書總目

上海大東書局印行

第三十二冊

卷一百七十八

別集類存目五

卷一百七十九

別集類存目六

卷一百八十

別集類存目七

卷一百八十一

別集類存目八

欽定四庫全書總目卷一百七十八

集部三十一

別集類存目五

北虞先生遺文八卷

安徽巡撫
採進本

明邵圭潔撰圭潔字伯如一字茂齊號北虞常熟人嘉靖己酉舉人其詩妥適而乏警策惟散文筆力頗縱宕然史論諸篇縱橫曼衍已啟後來顧大韶等之風是集爲其子兵部主事釐所編分爲二帙前一帙凡六卷繕寫多脫誤後一帙凡二卷與前帙間有重複豈編次未定之本歟

平山文集八卷詩集八卷

直隸總督
採進本

明何濤撰濤字仲平江西廣昌人嘉靖己酉舉人據集中所言蓋嘗官於安慶不知爲安慶何官也詩文皆率其所欲言詩集第五卷有讀白集卒業一首可以知其宗尚矣

子威集三十二卷

兩淮馬裕
家藏本

明劉鳳撰鳳有續吳中先賢贊已著錄其文皆辭字奧句尤澀澀之恆釘者江左勝談載劉侍御子威好爲詰屈聱牙之文吳人推服之無敢後袁卜士景休字孟逸每向人挾摘其字句鉤棘文義批繆者以爲嫺笑子威聞之怒訴於邑尉攝而笞之尉數之曰若復敢嫺笑劉侍御文章耶景休仰而對曰民寧再受笞數十終不能改口否舌妄談劉侍御也是亦可資笑噱者矣

素園存彙十八卷

浙江巡撫
採進本

明方宏靜撰宏靜字定之歙縣人嘉靖庚戌進士朱彝尊明詩綜載其官至南京戶部右侍郎千頃堂書目亦同江南通志則載其奉使入浙擊水寨寇論功當敘中書語歸卒贈工部尚書據集內山中藥小序稱自撫浙待命凡十載自留京歸田經廿載葉向高序亦云然是宏靜實自南京罷歸通志所記偶誤也是集目錄祇十六卷而

書實十八卷其目錄之次序前後參互亦與卷內不合皆校刊之疎漏又千頃堂書目載是集作二十卷殆初刻十六卷後增至十八卷又增至二十卷而目則未改歟

雲山堂集六卷

浙江孫仰曾家藏本

明魏裳撰裳字順甫蒲圻人嘉靖庚戌進士官至濟南府知府明史文苑傳附載王世貞傳中是集前三卷皆詩後三卷爲雜文當嘉隆之際李攀龍王世貞方負盛名而裳與南昌余曰德甫南銅梁張佳允肖甫新蔡張九一助甫實左右之當時稱爲四甫裳才地稍弱允爲墨守不變集首佳允序謂其文非左國兩司馬詩非建安大歷則不以寓目此卽其力持王李餘論之證故世貞藝苑卮言亦稱其不失門宗云

大雅堂摘藁

無卷數 江西巡撫採進本

明況叔祺撰叔祺有考古詞綜已著錄是集千頃堂書目不載江西通志亦稱是時王李之學盛行有後五子廣五子等目而不及叔祺大雅堂集世亦罕有傳者則明代已不行於世矣此本題云摘藁則尙非叔祺之全集詩止近體無古體叔祺允不應若是之陋或選錄者不諳古體惟取其所能解耶

居來山房集六十五卷

江蘇巡撫採進本

明張佳允撰佳允字肖甫銅梁人初號壚山以其家在居來兩山之間更號居來山人

案居來一作壚 陳置字之則謫

嘉靖庚戌

進士官至兵部尙書總督薊遼事蹟具明史本傳佳允爲郎時與王世貞諸人相酬和七子仕宦多不達而佳允鎮雄邊定大變以功名始終論者謂其詩文才氣縱橫而頗乏深致蓋雄心大略不耐研思於字句間也是集賦一卷詩二十八卷雜文三十五卷末一卷附錄行狀墓誌後又載同時諸人所作序記等文十一篇

天目山堂集二十卷附錄一卷

兩淮鹽政採進本

明徐中行撰中行字子與號龍灣長興人讀書天目山下故自稱天目山人嘉靖庚戌進士官至江西左布政使明史文苑傳附見李攀龍傳中中行爲後七子之一王世貞藝苑卮言蓋稱之以爲左準右繩靡所不合胡應麟

詩數則惜其少深沈之致陳子龍明詩選復有摹古太似之議是非恩怨輾轉相爭要之或褒或貶各有所當合而觀之則中行之定評出矣雜文亦有意矯揉頗失渾雅蓋當時風尚七子同一軌轍非如是不能預填站也

青蘿館詩六卷

兩江總督採進本

明徐中行撰是集乃隆慶中其哲汪時元所刻其守汝寧以後之詩居三分之一汰其古文又汰其少作較前集爲精簡然中行於北地之學漸染既深時元能刪其枝蔓不能變其根柢也

余德甫集十四卷

江蘇周厚琦家藏本

明余曰德撰曰德初名應舉字德甫南昌人嘉靖庚戌進士官至福建按察司副使明史文苑傳附見王世貞傳中與魏裳汪道昆張佳允張九一所謂嘉靖後五子也世貞稱其詩古近體無所不佳近體獨超近體五七言無所不超七言獨妙靜志居詩話則謂其詩尙未見門戶元美冠諸後五子之首未免阿其所好今觀是集彙尊所論公矣

豐陽集十二卷

浙江巡撫採進本

明馮臯撰臯諱字明卿海鹽人嘉靖庚戌進士官至福建布政司參政是集凡詩四卷文八卷臯謨在粵平大盜張總擊敗倭寇皆有功又創議立條鞭投櫃之法至今稱便其經濟頗可觀而詩文則但有浮聲殊乏切實許開造行狀稱臯諱官刑部時與梁有譽宗臣吳國倫徐中行相善切劘爲詩故其趨向亦相近云

采薇集四卷幽貞集二卷邕飲集六卷

兩江總督採進本

明董傳策撰傳策有奏疏輯略已著錄此三集乃傳策以嘉靖戊午遭戍至隆慶丁卯召還前後十年之詩也采薇集爲四言樂府歌行絕句等體幽貞集爲五言古體邕飲集爲七言律體詩多激烈如其爲人案于頤堂書目采薇集作十四卷幽貞集作十一卷邕飲集作七卷與此互異明人集多隨作隨刊卷帙無定未知爲此本不完或黃虞稷誤載又有廓然子集二卷選應案七卷此本不載殆偶佚矣

蘇軾洞壑五十四卷續彙二十七卷

山東巡撫採進本

明吳國倫撰國倫有陳張本末略已著錄初國倫爲兵科給事中時以倡衆賄楊繼盛忤嚴嵩左遷世稱其養在後七子中最爲老壽初與王世貞李攀龍唱和後與李維禎汪道昆輩狎主詩盟其著述頗富然在當時胡元瑞作詩數已譏其用句多同一篇而外不耐多讀國朝朱彝尊靜志居詩話亦謂王李既沒蘇軾幾與四部爭富而海內之爲真詩者寡則文章不逮其行誼矣此蘇軾洞壑國倫所手定續彙則其子士良所校刊明史藝文志此二集外又載其詩彙十五卷今未之見意其散佚歟

蘇山集二十卷

兩淮鹽政採進本

明陳柏撰柏字子堅一字憲卿沔陽人嘉靖庚戌進士官至井陘兵備副使是集凡詩十卷文十卷詩頗宕逸有姿而失於薄弱文又不及其詩千頃堂書目別載柏見南山集八卷不載此集殆偶未見歟

蘇山選集七卷

浙江巡撫採進本

明陳柏撰是集爲莆田黃謙所選定凡詩四卷文三卷千頃堂書目作五卷傳寫誤也

小漁遺彙十二卷

浙江巡撫採進本

明唐汝楫撰汝楫字思濟蘭谿人吏部尚書龍之子龍號漁石故汝楫自號小漁嘉靖庚戌進士第一官至左春坊左諭德事蹟附見明史龍傳史稱龍與嚴嵩相善汝楫又以素附嵩得第一人及第後坐嵩黨奪官則其人不足重其文章亦不爲世所稱是集爲萬歷乙卯蘭谿知縣莊起元所編皆應俗之文起元稱其著作甚夥散佚不傳僅從其孫宗本曾孫明照索得殘彙就而編次云

春明彙十四卷

浙江汪汝霖家藏本

明徐學謨撰學謨有春秋億已著錄是編皆其以尚書召起再入都時所作故以春明爲名凡文編十卷詩編三卷續編一卷文編末四卷爲齊語皆所著雜說千頃堂書目作八卷蓋除齊語計之也其論詩一條云近來作者

綴成數十豔語如黃金白雪紫氣中原居庸碣石之類不顧本題應否強以竄入專愚暫許自以爲前無古人小兒效顰引爲同調南北傳業終作癘風詩道幾絕其語蓋爲王李而發學謨與王世貞里閭相近而立論如此頗不爲習俗所染然詩多懦響終不能副所言也

徐氏海隅集四十卷

浙江孫仰曾家藏本

明徐學謨撰明史藝文志載學謨文集四十三卷千頃堂書目亦載學謨海隅集四十三卷此本僅四十卷前無序目蓋姦黠書賈以殘闕之本割去序目冒爲完書也開卷卽列寶殿玉芝諸頌蓋當時風氣類然至其書易名始末一篇與世傳學謨初名學詩以其時有上虞徐學詩疏劾嚴嵩懼以同名懼禍故改名學謨者說又不同蓋莫得而詳焉

歸有園集二十九卷

江蘇巡撫採進本

明徐學謨撰是集文二十二卷詩七卷乃其歸田後所作學謨嘗謂昔人有云近世士大夫以官爲家罷則無所於歸故自早歲罷荊州守卽構一園名曰歸有因以名其詩文中多酬應之筆其雜著中塵諧鏡戒二卷尤未免失之於俚

蘭餘堂集四卷

浙江巡撫採進本

明潘季馴撰季馴平生功業著於治河所作河防一覽已著錄是集詩一卷文三卷皆不見所長千頃堂書目作五卷或尙佚一卷歟

李溫陵集二十卷

江蘇周厚堉家藏本

明李贊賢贊有九正易因已著錄是集一卷至十三卷爲答書雜述卽焚書也十四卷至十七卷爲讀史卽摘錄藏書史論也十八十九二卷爲道原錄卽說書也第二十卷則以所爲之詩終焉前有自序蓋卽刻說書而併摘焚書藏書合爲此集也贊非聖無法敢爲異論雖以妖言逮治懼而自剄而焦竑等盛相推重頗煥衆聽遂使鄉

塾陋儒翁然尊信至今爲人心風俗之害故其人可誅其書可燬而仍存其目以明正其爲名教之罪人誣民之邪說庶無識之士不至恍於虛名而受其簧鼓是亦彰顯之義也

周禹川集五卷

直隸總督
採進本

明周大章撰大章字章之號禹川吳江人嘉靖壬子舉人官至瑞安縣知縣是編爲文藝集二卷皆所作雜文樂倭武略三卷前二卷載防倭方略後一卷附錄投贈詩文嘉靖中江以南屢被倭寇大章以書生佐守吏調兵食所至克捷鄉里實受其利然生平本不以文章名其禦倭武略中多載公移剖付之類尤爲叢雜

羽王先生集略

無卷數
兩江總督採進本

明張鳴鳳撰鳴鳳有桂故已著錄是集爲僧超撥所刻超撥即鳴鳳之孫也自稱家遺鑄集七種值兵火幸存因從全彙內錄其十分之二付之剞劂然桂故等三書亦在其內惟詩文集及潛書八論世無別行之本而超撥刪削無識往往去其菁華舉其蕭艾已非復鳴鳳之舊矣

子相文選五卷

江西巡撫
採進本

明宗臣撰臣有宗子相集已著錄是編止詩一卷文四卷爲鄭二陽所選評姜承宗姜繼宗所編輯輯於集外別行者也

九思山房詩集十三卷

山西巡撫
採進本

明何東序撰東序字崇教號肖山猗氏人嘉靖癸丑進士官至右僉都御史巡撫延綏其詩未能入格而尤喜作古樂府凡郭茂倩樂府詩集古題擬之幾遍甚至郊廟樂章亦仿爲之然唐人已不能擬漢魏而東序欲爲唐人所不能不亦難乎

惺堂文集十四卷

江西巡撫
採進本

明史桂芳撰桂芳字景實號惺堂鄱陽人嘉靖癸丑進士官至兩浙鹽運使桂芳與羅汝芳耿定向講學其語錄

稱誦陳獻章未分無極源頭在誰畫先天樣子來碧玉樓中閒隱几十山川幾又山迴之句謂數十年不似今夕了悟其宗旨可見而文章頗朴實不爲虛渺之談集末附書經補說三卷多與先儒立異其謂周武王無封箕子事說亦甚辯然史傳炳然古無異論安可懸斷其誣也

曹太史含齋集十六卷

浙江孫仰曾家藏本

明曹大章撰大章字一呈號含齋金壇人嘉靖癸丑進士官翰林院編修以廢疾罷是集凡文十三卷詩三卷多慶祝哀輓之篇應試策論亦悉載焉

姜鳳阿文集三十八卷

江西巡撫梁鑑本

明姜寶撰寶有周易傳義補疑已著錄是集分十藁初藁一卷中祕藁一卷讀禮藁一卷史館藁三卷西川藁二卷周南藁二卷八閩藁二卷銀臺藁一卷南雅藁二卷家居藁十一卷苗部藁十一卷寶少從學於唐順之其行文步驟開闔頗得力於師說而學力根柢不及順之之深厚故論明代之文者不及焉王世貞序謂宏正而後士大夫稱檀左而冕先泰及其流弊而爲似龍出之無所自施之無所當六季之習巧者猥棘端侈者繡土木而極推實之學爲能深造自得蓋世貞晚年亦深厭字剽句竊之病而折服於歸有光諸人故其說如此也

盧續集十四卷

湖南巡撫採進本

明劉堯誨撰堯誨號凝齋臨武人嘉靖癸丑進士官至南京兵部尙書是集爲其六世孫心忠所編凡文九卷詩五卷詞三首偈四首其爲一卷其論性論格物頗拾姚江緒餘書啟序記中皆贈答應酬之作標題多稱父母郡祖郡臺乃堂之類亦頗嫌太質

綠波樓詩集十四卷

河南巡撫採進本

明張九一撰九一字助甫號周田新蔡人嘉靖癸丑進士官至右僉都御史巡撫寧夏明史文苑傳附見王世貞傳中世貞詩亦謂吾黨有三甫蓋余曰德字德甫張佳允字肖甫與九一字助甫爲三甫也

案此與四甫之說不同蓋作詩之時雖衰

猶未入論者謂其詩高華雄爽振宕不羈於七子齊盟風氣雷同之時自稱拔俗然今觀其集實未能於七子之外別開門徑蓋九一服膺王世貞曾因世貞父忤故觸忤嚴嵩遭遷謫而不悔即其生平規撫可知矣九一官湖廣參議時嘗構綠波樓後遂以名其集舊版已燬此本 國朝康熙中新蔡知縣呂民服所重錢也

學孔精言舍彙纂十二卷

兩江總督採進本

明孫應鼐撰應鼐有淮海易談已著錄明史藝文志載應鼐彙纂十六卷此本十二卷前有萬歷己卯劉伯燮序言集首奏疏終於古風絕律今第十二卷止於五言律詩而絕句七言律詩皆闕知非足本矣

百可亭摘藁九卷

浙江巡撫採進本

明龐尙鵬撰尙鵬字少南南海人嘉靖癸丑進士官至副都御史巡撫福建天啟初追謚忠敏事蹟具明史本傳是集奏疏四卷雜文三卷詩二卷凡分三編千頃堂書目作三卷蓋僅據其雜文一種也詩文皆朴實惟奏議頗爲明暢其與張居正小簡尤切直居正復書附焉蓋論萬歷四年九月居正奪情事也史稱居正深銜之噉吏科給事中陳三謨以給由歲月有誤劾之遂罷去家居四年而卒云

石泉山房集十卷

江西巡撫採進本

明郭汝霖撰汝霖字時望號一厓永豐人嘉靖癸丑進士官至南京太常寺卿汝霖從鄒守益歐陽德諸人講學故其議論與羅汝芳一派相近古詩頗規模陳子昂李白諸人得其形似近體則又次焉

李子田文集四卷

兩江總督採進本

明李裝撰裝有黃谷瑣談已著錄所選宋元藝圃集頗有別裁而文章沿歷城太倉之派未能自闢門庭其持論務合儒釋爲一遂併孟子而非之如曰孟子非排告子也排告子而自異於孔氏諸聖人也諸儒非尊孟氏也尊孟氏而自別於孔氏諸聖人也可云大繆

近溪子文集五卷

江蘇巡撫採進本

明羅汝芳撰汝芳有孝經宗旨已著錄其學出於顏均承姚江之末流而極於泛濫故其說放誕自如敢爲高論著述最易成編多至四五十種卽其集亦非一刻有近溪子集其門人杜應奎編有近溪子全集其孫懷祖刊有批點近溪子集耿定向所編有批點近溪子續集楊起元所編有明德公文集近溪先生詩集近溪子附集近溪子外編有從姑山集續集並其孫懷智所編有明德詩集其門人左宗邦刊今多散佚此集則其曾孫萬先所刊也

愧非集十四卷

山東巡撫
採進本

明馬攀龍撰攀龍字冲霄號愧非子陽信人嘉靖乙卯舉人官禮部主事是編凡該略四卷乾坤逆旅集一卷漫槩一卷遊涉藁一卷遊林藁一卷邯鄲學步集四卷忙忙亭藁一卷明詩統稱其博學雄才著述甚富惜年不稱壽今以集考之攀龍爲學官時有院試詩云五十老文學低頭編自羞自註云余赴試許州自傷老大猶滯學博云云其後遷邯鄲令轉京邑入爲主事有早春入朝詩句云書生慶際遇白首得爲郎又長安除夕有爲客已三載壯志灰頽齡等句則年不稱壽之說非也該略所引多小說俚語詩用洪武正韻又與詩餘雜編亦乖體例

震堂集六卷

江蘇巡撫
採進本

明王養端撰養端字茂成遂昌人嘉靖乙卯舉人是集爲其鄉人何鍾所刪定而遂昌知縣池明刻之其時王李並馳海內響應故養端所作亦沿二家之波大都一字一句必似古人而意趣則罕所自得冠以擬古樂府一卷望其標目古色斑然核其文章乃多無取如李延年歌漢武帝李夫人歌皆偶爾神來遂成絕調卽作者亦不能再爲而皆衍爲長篇味如嚼蠟焦仲卿妻詩木蘭詩正以委曲瑣屑入妙而縮爲數句又似斷鶴至於樂府諸篇古詞僅在如日舉其首節則無詔伶人事謝絲管劉鋹言之矣非變非贗誰能於千百年後得其律呂如日關其意義則標名旣每難詳詞句尤多譌闕吳兢所解已多在影響之間今安得知其本旨鈞竿朱鷺之類尙可緣題成文至東光翁離諸篇題旣不明詞又不解一概描摹不已實不知何所見而云然矣

潛學集十二卷

浙江巡撫
振進本

明鄧元錫撰元錫有三禮釋已著錄此其所作雜文及語錄也其語錄力闡心學在當時尙爲篤實文章則頗爲

朴儉未足擅長

耿天臺文集二十卷

湖北巡撫
採進本

明耿定向撰定向有碩輔寶鑑要覽已著錄是集爲其門人劉元卿所編凡詩賦一卷雜文十九卷末一卷爲時藝蓋用宋文鑑收張才叔經義例也定向之學歸宿在王守仁故集中第十三卷以薛瑄諸人爲列傳而以守仁爲世家此蓋陰用史記孔子世家之例不但以守仁封新建伯也黃宗羲明儒學案列之泰州王艮派下摘其與張居正論趙用賢吳中行等書以爲難欲少殺其禍亦近於誦六藝以文彞言又摘其劾御史王藩臣疏以爲鉗制言官考與居正書在第六卷中核其詞意蓋求寬言者之罰不得不先解居正之怒求解其怒不得不先順其意而使之喜於是借伊尹之任以獻諛頌遂爲天下口實

案明史定向本傳稱居正奪情定向時書友人譽爲伊尹而貶言者時諺嘗之蓋偶未檢此集誤以與居正爲

與友人謹附識於此利王藩臣疏今在第二卷中大旨溫藩臣劾巡撫周繼未以揭帖送都御史使藩臣所劾不實定向糾其妄奏可也乃因遺誤送揭閱一月之後始糾其不實此爭私憤非爭公論矣顧允成作客間以詰定向定向不能答厥有由歟大抵定向之學兼講作用觀其全集大略可知宗羲所論雖責備賢者之言要不可謂之無因

濟美堂集八卷

福建巡撫
採進本

明吳文華撰文華有粵西疏槩已著錄是集凡詩文四卷頗沿臺閣舊體前四卷卽粵西奏議及閩都奏議其初別本各行後又編入集中也

屏居集八卷浪游集六卷耕餘集八卷

江蘇巡撫
採進本

明姚汝循撰汝循字敘卿江寧人嘉靖丙辰進士官至大名府知府終於嘉州知州汝循自大名罷官歸田著屏居集及嘉州罷後歷遊燕趙楚蜀間著浪遊集晚年退耕秦淮著耕餘集王椰登序其耕餘集謂其冲陶韋然

陶韋不在其貌也

濟美堂集六卷

浙江巡撫採進本

明陳瓚撰案世宗時有兩陳瓚其一獻縣人嘉靖丁未進士官至南京吏部尚書卽嘗爲楊繼盛奏請卹典者此陳瓚字廷禪常熟人嘉靖丙辰進士官至刑部左侍郎諡莊靖事蹟附見明史魏時亮傳是編首列疏一卷詞頗伉直餘多酬應之文六卷之末附詩二十八首詞一首亦非所長

蘭暉堂集四卷

浙江巡撫採進本

明屠應埈撰應埈字文升刑部尚書勲之子嘉靖丙辰進士官至左春坊左諭德明史文苑傳附載王懷中傳中應埈爲文善比事屬辭詩法汎濫諸家時有獨造一時名出其父右然牽於華藻蘊蓄未深是編凡詩二卷文二卷與其父集本別行後其曾孫繩德等又取勲所著太和堂集與是集合刻名曰屠氏家藏二集云

怡雲堂集十卷

江西巡撫採進本

明蔡國珍撰國珍字汝聘奉新人嘉靖丙辰進士官至吏部尚書諡恭靖事蹟具明史本傳是集乃其從曾孫尙才所編凡詩四卷文六卷詩皆近體尙才序謂從敗簾中得其歸田後所作詩一帙以類編次蓋非全彙也卷四後附其子若孫之詩卷五卷六乃國珍所作奏疏序記諸文又卷七卷八附以敕命墓表及壽文祭文卷九又爲國珍所作書啟小詞卷十又附刻他人書啟編次殊爲無緒且詩實四卷而序云二卷尤爲不檢矣

心泉集二十五卷

浙江巡撫採進本

明何源撰源字仲深號心泉江西廣昌人嘉靖己未進士官至刑部左侍郎諡靖惠源官吏部文選司主事時張居正以親故託之拒弗應緣是引疾歸及爲南京吏部侍郎京察黜陟公允爲海瑞所稱以爲士人致身報主當如是後卒於官貧賤不能殮蓋亦氣節自負者是集爲其子孔賢孔賓所編凡文二十二卷詩賦歌詞三卷大抵非公賄卽應酬之作然源之足以不朽者固不在此也

張詩東集十四卷

河內巡撫
所進本

明張鹵撰鹵字召和號詩東儀封人嘉靖己未進士官至右副都御史巡撫保定以忤張居正馮保左遷南京太常寺卿旋乞休歸終於家是集凡詩六卷文八卷初刻於天啟五年爲其子永忠及門人王安仁所訂定版久燬此本爲其後人重刊其中如慶成宴代巡贈別諸作本五言長律而雜之古體中題鹿鳴宴圖本七言古詩而列之詞內編次頗爲舛誤且考鹵在諫垣時陳奏頗爲侃直其後三領餉銀能殲叛卒修邊備與中朝權貴相抗多有政績可紀而集中章疏乃無一篇意者尙別有奏議自爲一集乎

華陽洞臺二十二卷

浙江總督
所進本

明張祥鸞撰祥鸞字道卿別號虛齋金壇人嘉靖己未進士官至雲南府知府是編文十三卷詩九卷祥鸞多與嘉靖七子相往還而詩能不涉其窠臼然所造則尙未深也

王泰常集六十九卷

江蘇則厚
所藏本

明王世懋撰世懋有卻金傳已著錄是集賦詩詞十五卷文五十四卷第五十二卷曰瘡思子第五十三卷曰藝圃擲餘第五十四卷曰經子臆解易父解皆所作雜說筆記附編集內者也世懋名亞於其兄世貞而濫於聲氣持論較世貞爲謹嚴厥後藝苑危言爲世口實而藝圃擲餘論者乃無異議高明沈潛之別也但天姿學力皆不及世貞故所作未能相抗耳朱警尊靜志居詩話云徵美才雖不逮哲昆習氣猶未陷溺斯持平之論也

關洛記游臺二卷

南淮鹽政
所進本

明王世懋撰是集乃萬曆辛巳世懋官陝西提學副使旋以曇陽子事爲臺諫所彈乃移疾自洛陽東歸時作上卷游記三篇下卷詩七十七首屠隆爲之序亦全作二氏支離語蓋一時士大夫習氣如斯也

賜聞堂集四十卷

南淮鹽政
所進本

明申時行撰時行有書經講義會編已著錄是集賦詩共六卷文及雜著共三十四卷其相業無咎無譽詩文亦

如其為人

王文肅集五十二卷附錄二卷

檢討附錄
家藏本

明王錫爵撰錫爵有王文肅奏草已著錄是集爲其孫時敏所編凡雜文十二卷書十八卷奏疏二十二卷附載榮哀錄一卷誌狀碑傳一卷前有申時行序然時行乃序其奏疏非序其全集時敏刊刻之時取以冠編耳時敏跋稱彙集文案不能十之五六詩箋經年廣搜未能成帙又稱入閣以後參軍代筆奉有先命不敢混入云

觀我堂摘彙十二卷

安徽巡撫
採進本

明李材撰材有李見羅書已著錄其學出於姚江而稍變其說遂開止修一派與良知一派並傳然制行頗率意自恣官巡撫時毀參將署爲書院致激兵變後雲南巡按御史劾其破蠻冒功建問坐繫十餘年謫戍福建乃仍用巡撫儀從以往爲當時所怪黃宗義明儒學案謂其以師道自任不因患難而改不知者謂其不忘開府門面則失之然師道尊嚴豈在鼓吹張蓋宗義以姚江一派門戶相同從而爲之曲說耳是集凡大學古本義一卷書問十卷雜著一卷皆其講學之文也

敬和堂集八卷

浙江巡撫
採進本

明許孚遠撰孚遠字孟中德清人嘉靖壬戌進士官至兵部左侍郎事蹟具明史儒林傳孚遠之學雖出於唐槐溪史稱其篤信良知而惡夫援良知以入佛者故與羅汝芳楊起元周汝登斷斷相爭在姚江末派之中最爲篤實馮從吾劉宗周丁元薦傳其所學皆能有所樹立是與前有葉向高序蓋萬曆甲午孚遠爲福建巡撫時所刊每卷之首尙空其次第未鐫以版心號數計之凡序一卷記一卷雜著一卷書一卷疏二卷公移二卷云

衛陽集十四卷

直隸總督
採進本

明周世遷撰世遷字文賢故城人嘉靖壬戌進士官至南京兵部尙書是集以衛陽爲名蓋故城在衛河之陽世遷以自號因以名集也世遷以風節著文章非所留意然集中章奏如諫穆宗馳馬於禁掖神宗講武於宮中皆不知

欽定四庫全書總目卷一百七十八

集部

別集類存目五

明之積弱由於朝廷之宴安朝廷之宴安由於諸帝之不知兵事持論殊爲迂闊又姚希孟序謂大學士高拱構華亭將引世遯効指臂弗應遂被逐去復引其祭撰文中隱顯參商語以證之然世遯出拱之門不受指族具見特立之操乃拱既卒而必特彰其事於祭文是又不如置之不辨之爲厚矣

海亭集四卷

福建巡撫
孫道本

明鄭普與晉字汝德海亭其號也南安人嘉靖壬戌進士官至雲南府知府是集文三卷皆應酬之作詩一卷僅二十餘首亦殊寥寥據王慎中所作墓誌謂普精於經學觀集中復林次崖二書亦憑虛理斷之學非元元本本之學也

覆瓿草六卷

浙江汪汝
璠家藏本

明林煙撰煙字貞耀閩縣人嘉靖壬戌進士官至南京工部尚書事蹟附見明史林瀚傳集首有王穉登序言煙官未踰藩鎮既告歸幾二十年乃以薦爲太僕俄復請歸與史不合蓋史舉其所終之官穉登所稱則其刻集時官也穉登序極論七子末流之弊而獨稱煙詩爲有道之言然是集爲胡應麟所編應麟故依附七子者集中所錄大抵舊調居多新意殊少仍七子之支派而已

逍遙園集二十卷

江蘇周厚
清家藏本

明穆文熙撰文熙有七雄策纂已著錄是集爲南師仲所編凡詩十卷文十卷明史藝文志作逍遙園集十卷疑刊本誤脫二字也

處賢堂集八卷

江蘇周厚
清家藏本

明張鳳翼撰鳳翼有夢占類考已著錄是編詩四卷文三卷末一卷曰談輅則其筆記也鳳翼才氣亞於其弟獻翼故不似獻翼之狂誕而詞采亦復少遜生平好填詞集中多論傳奇之語千頃堂書目載鳳翼處賢堂前集十二卷後集六卷與此本皆不符未喻其故

文起堂集十卷

兩淮馬希家藏本

明張獻翼撰獻翼有讀易紀聞已著錄是集凡賦一卷詩六卷雜文三卷其詩文多參以俳偶蓋獻翼雖頗與李攀龍筆札往還而與皇甫湜尤契故學其舍咀魏晉而未能成家云

紉綺集一卷

安徽巡撫採進本

明張獻翼撰乃自錄其早歲所作於文起堂集外別行者也

狎鷗子摘彙一卷

江蘇巡撫採進本

明吳崇節撰崇節有古史要評已著錄此其爲武岡知縣罷歸後所爲文也前有狎鷗亭賦及霞增八景絕句後則雜文寥寥僅十數篇皆詞意淺薄中有悟蓮生傳詳其詞意乃崇節自謂而其狎鷗亭賦又自稱豫石子隨地易號殆仿元結之例歟

魯望集十二卷

兩淮馬希家藏本

明袁尊尼撰尊尼字魯望吳縣人僉事表之子嘉靖乙丑進士官至山東提學副使是集純爲七子之體故王世貞

貞序極稱之

天池草二十六卷

編修吳興家藏本

明王宏誨撰宏誨字紹傳瓊州安定人嘉靖乙丑進士官至南京禮部尙書宏誨初釋褐時值海瑞廷杖下詔獄力調護之暇居正當國又嘗作火樹篇春雪歌以諷爲居正所銜蓋亦介特之士也是集文二十卷詩六卷集首載諭祭文及本傳猶古人附錄之例又載其三世諸命已爲破格至以萬歷己丑宏誨爲會試副總裁遂并載是科題名錄則從來編別集者無此變體矣

謝山存稿十卷

江蘇巡撫採進本

明陳吾德撰吾德字有濟廣東新會人嘉靖乙丑進士官至浙江按察司僉事吾德傳陳獻章之學居官忤張居

欽定四庫全書總目卷一百一十

正屢遭貶謫其氣節亦錚錚者詩文則直達胸臆而已

寶川文集初本三十二卷

宋徽宗
進本

明歸有光撰有光有易經淵旨已著錄是編爲其子子祐子寧所輯前有萬曆三年周詩序所謂崑山本者是也其中漏略尙多故其曾孫莊又哀輯爲四十卷而有光之文始全相傳子寧改竄父書有光見夢於賈人童姓其事雖不足信而字句之譌舛誠有知莊所指摘者未載行述一篇子祐所作又序略一篇子寧所作也

二酉園詩集十二卷文集十四卷續集二十三卷

湖北巡撫
採進本

明陳文燭撰文燭字玉叔河陽人嘉靖乙丑進士官至南京大理寺卿其詩分八集曰漢陰詩曰廷中詩曰淮上詩曰嵩和詩曰西蜀詩曰東岱詩曰金焦詩曰黃蘗詩陳思育王喬桂皇甫訪袁福徵黃貫曾沈明臣李先芳孫斯僊任瀚高啟愚熊敦朴陳宗虞曾可耕吳國倫方沆黃一正李維楨屠隆周光鑑十九人之文曰五岳山人前集五岳山人後集王世貞歸有光汪道昆茅坤序之後總編爲二酉園文集道昆世貞又序之續集則文燭身後其孫之選所輯皆文無詩亦無當時名士序惟之選自序之又與文燭之塔龍牌各爲一跋而已斯亦生死之際交遊盛衰之驗而文壇標榜其不足盡據可知矣

楊端淑集

無卷數
江西
巡撫採進本

明楊時喬撰時喬有周易古今文全書已著錄是集爲其子聖畿所編江右之學惟時喬一本程朱故集中大學周易諸序及孔朱二像碑皆力闢心學之誤云

洪洲類藁四卷

浙江汪啟淑家藏本

明王圻撰圻有東吳水利考已著錄是集凡詩一卷文三卷乃其提學湖廣時所自編其孫謨又爲重刻圻所著述如續文獻通考三才圖會程史類編諸書皆篇幅浩繁動至一二百卷雖龐雜割裂利鈍互陳其採輯編排用力亦云勤篤計其平日殆無時不考古研今其於詩文殆以餘事視之故寥寥如此存而不論可矣